

黃帝金匱玉衡經

孫星衍校

中華書局

黃帝金匱玉衡經

賜進士及第山東等處督糧道兼管德常臨清倉事務加二級孫星衍校

黃帝曰。吾授汝此圖。金匱玉衡經。二子祕之。苟非其人。道不虛行。垂拱無爲。而知未明。不出房戶。可知天下。不出戶房。可致真王。明視登明。所臨吉凶。自非至精。此術不通。閉口閉口。禍害不從。泄露道真。其命必窮。異域之法。體道亦同。祕之藏之。勿見愚蒙。天一貴神。位在中宮。據璇璣。把玉衡。統御四時。攬撮陰陽。手握繩墨。位正魁罡。左房右參。背虛向張。四七布列。首羅八方。規矩乾坤。嚙吸陰陽。首五後六。以顯吉凶。青龍主左。係屬角亢。白虎輔右。正在觜參。朱雀在前。翻舞翼張。玄武在後。承德收功。六合廚傳。句陳將軍。騰蛇誅斬。金鉞鏘鏘。天后貴配。太常臺郎。太陰陰將。主錄後宮。天空下賤。主侍帝庭。白虎傷害。審其吉凶。各有部署。不得縱橫。天一統理。中外清明。金木水火。各有列行。不治魁罡。初建戊己。天之本鄉。故能治中。神氣所藏。甲子終癸酉戌亥孤虛。王父之墓。不在句中。不治魁罡。是謂重凶。三十六用。金匱玉房。天一最尊。爲之主王。將中威神。巍巍堂堂。

金匱章

天一六壬發用

第一經曰。日辰陰陽中有相尅者爲用。是謂入不入。是最急者也。何謂日辰。假令今日甲子。甲爲日子。爲

辰陰陽者。日上神爲陽神。辰下神爲陰神。假令正月甲子日平旦。登明臨甲。不相剋。從魁臨子。不相剋。傳送爲登明。陰不相剋。勝先爲從魁。陰上賊下。當以勝先爲用。假令十二月壬申平旦。從魁加壬。不相剋。陰得小吉。不相剋。賊勝先臨申。上剋下爲用。將得天后與火神并。在金鄉爲憂。婦女不安。若懷子墮傷。傳得天罡。將得騰蛇。主驚恐。此人八月當以女子事爭鬪。相驚恐。傳得功曹。將得六合爲後。正月當與吏議嫁娶。若市買之事。用得金言錢。兵得木憂折傷。得火憂口舌。得土言鬪訟。得水言逃亡。淫佚。上剋下。憂女子下剋上。憂男子。各以四時。王相囚死。其所勝爲憂。上剋下。若亡命他人。下剋上爲病己身。假令太歲在卯。太衝爲用。吉凶不出歲二月。卽太衝爲用。吉凶不出月。今日巳。太一爲用。吉凶不出日。平旦。寅功曹爲用。吉凶不出時。須臾開耳。坐者勿令起行者勿令止。吉凶之事。正在今也。他倣此。假令正月甲戌時加未。功曹爲天后。加戌爲用。天后爲婦女。正月寅中有生火。婦人妊娠。天后水將。與功曹中火并。水火相剋。此言子生毀傷死也。功曹春夏爲九天梁。憂縣官。受王氣。戌爲厭。辰時右死說怪妖也。傳見勝先。將得白虎。憂死喪。終見六合爲天門。主陰私媒妁。魁爲天關。出天門。登天關。涉天梁。見白虎必憂死喪。爲人見閉遮。出入移徙。婦女逃亡不安。至縣官用三傳得三火。憂失火燒殺。人驚雷。口舌起。以用所生爲吉期。所畏爲凶期。功曹爲用。喜在丙丁。凶在庚辛。用起陽辰。憂事發。他人爲方來。在陰辰。憂起己身。傳見子母爲救。見鬼吏爲重凶。其用中有微氣。若神將剋其凶者。亦爲有救。用得六甲之孤。爲元子。得六甲之虛。爲元夫。以用別吉凶。爲王氣所剋。法憂縣官。相氣所勝。法憂錢財。休氣所勝。法憂疾病。囚氣所剋。法憂囚徒。拘繫死氣。

所勝法。髮死喪冢墓。休爲老人。王相胎氣爲丁壯。金剋木爲折傷。木剋土爲癰腫。土剋水爲內閉。不通。水剋火爲執失明。火剋金爲驚恐失氣。異虛狂。六甲常以戊己虛衡爲孤。

第二經曰。日辰陰陽中有兩相剋者。先以下剋上爲用。上剋下爲順。下剋上爲逆。逆者憂深。在內難解。順者憂淺。在外易解。是謂入者當審所用。言察吉凶之微。假令二月戊子時加卯。神后臨戊戌。寄治於丙。下剋上。陰得小吉。上剋下。傳得功曹。皆上剋下。神后當爲用。假令壬辰平旦小吉。加壬。上剋下。當以神后爲用。周易以世爲卜者身式。以用爲卜者身別。吉凶者也。金入木傷人者也。憂鬪訟。至縣官。木入金憂女人。至縣官。水入土憂亡遺錢財。土入水憂鬪爭布帛。木入土憂牢獄口舌。財物擊傷。土入木憂男子持重疾病。欲祠祀。金入火憂外人相欺結。火入金兩女子一男子有口舌。火入水憂女子驚吏鬪訟。水入火驚恐有產病。他準此。假令正月乙巳時加未。傳送加乙。上剋下。神后爲傳送陰。而臨申。不相剋。從魁加巳。下剋上。爲用。將得六合。主陰私之事。從魁爲下所剋。奴婢從之期以重。憂有陰謀相賊。從下賤人起。又爲相氣所勝。法言訟財物。傳得大吉。終於太一。法言戰鬪相傷至死亡。何以言之。用起三金。終太一。將得白虎也。以意分別之。他準此。

第三經曰。日辰陰陽中有兩下剋上。或有兩上剋下。先以與日比者爲用。是謂欲其一必得其日也。是謂重相剋者。取與日比者。言有兩用也。比者爲近。憂在內。不比。憂在外。爲遠。有仇怨。故必得日比也。與賊盜亡人比里家人。假令正月辛亥日時日出卯。勝先加辛。小吉加亥。此兩上剋下。小吉與辛比。有辛未無辛

午。小吉當爲用。假令二月丙午時加未。傳送加丙。從魁加午。此兩下剋上。傳送與丙比。有丙申。無丙酉。傳送當爲用。剛日用得木。憂縣官文書。得火。憂田宅口舌。得土。憂縣官死鬼。得金。憂遷移不安。刀兵。得水。憂女人重身至。憂人。柔日用得木。憂木器船車盜賊。得水。憂戰鬪見血。得土。憂財物豆穀。得金。憂六畜。得火。憂女子徵召。姪洩內亂。假令正月壬辰時加辰。勝先臨壬下剋上。登明加辰下剋上。此言無壬亥。有壬午。勝先當爲用。老氣所剋法。憂疾病。火入水。將得天后。爲事起婦女。傳見大吉與句陳并。法憂戰鬪。終見傳送。主出入爲後三玄武并。必言遠出有失。傳送加丑。爲下臨其墓。法憂悲哀不樂喜。夢見死人及孤寡。他準此。

第四經曰。日辰陰陽中。有兩比者。以其始入。涉害深者爲用。是所謂察其微見其機者。言起季仲爲微。在孟爲機。機者憂深。微者憂淺。爲易過也。假令八月甲申平旦。天罡加甲下剋上。神后爲河魁。陰下剋上。是爲天罡神后爲下所剋。又俱比甲。言甲辰亦有甲子。天罡是土加甲。始入木鄉。涉害猶深。爲機。神后臨戊。轉便入水爲微。天罡當爲用。假令七月甲子日時加亥。傳送加甲上剋下。陰得功曹。下剋上。勝先臨子下剋上。陰得神后上剋下。此俱與日比。勝先度癸得丑。功曹方經庚酉。辛涉害深。功曹當爲用。此謂進退失節。重有憂者也。正月辛酉時加午。太衝臨辛下剋上。傳送爲太衝。陰而臨卯上剋下。功曹加酉下剋上。小吉爲功曹。陰而加寅下剋上。太衝小吉俱爲下所剋。又俱比辛。太衝度辛而入戌。憂淺。小吉始入木鄉。涉害。小吉當爲用。所謂俛見其仇。仰見其丘。小吉主婦女。將得螣蛇。憂死人。女子驚恐。有怪血。日生小吉。過

東北鬼門。當見鬼。傳得神后。將得天空。婦欲欺其夫有二心。終太一。將得天后爲重憂。婦女用爲王氣所勝。法憂縣官。有兵甲之憂。仇怨相害。以火如水。故也。他準此。

第五經曰。日辰陰陽中無相賊者。當以遙與日相剋者爲用。是謂交俱不相剋入從獨立者也。此言有一神。陰中往賊日。若日往剋陰中之神。神來賊日。身有髮從外來。日往剋神。爲有仇怨從中起。有望外人而不來。辰雖有遙相剋不得爲用。用日不用辰也。假令四月辛酉時加巳。大吉加辛。不相賊。陰得天罡。不相剋。神后加酉。不相剋。陰得太衝。皆不相剋。辛遙剋太衝。當爲用。五月甲午時加戌。登明加甲。不相剋。傳送爲登明。陰不相剋。太衝加午。不相剋。陰得神后。不相剋。四課陰陽中並無相剋。唯有傳送遙往剋甲。當以傳送爲用。有兩遙相剋。今日者亦用日比天。一順行。若有臣不可止。髮男子病逆行。父子不可親。髮女子行有客不可內。讒賊之意。禍從西南來。揚兵入門。相傷殺見血。慎無西南行。皆以神將言之。有魁罡白虎謀相殺。玄武爲盜。正月己卯時加寅。大罡加己。不相剋。陰得大吉。不相剋。神后加卯。不相剋。陰得從魁。不相剋。四課陰陽中並無相剋者。己獨往剋神后。神后當爲用法主。婦女與夫一并有貴人徵召事。又爲死者所勝。法髮死人。餘則及家訟冢墓。他準此。

第六經曰。日辰陰陽中並無相剋。又無遙相剋者。剛仰柔伏。視昴星所得爲用。是謂日辰重一切用者也。言剛日當以地昴星上所得神爲用。柔日當以天上昴星所臨辰爲用。昴星爲閉塞行者稽留。居家有憂患。剛日男人遠行未還。恐鬪死於外。柔日伏藏。女子淫泆深憂不解。二月戊子時加寅。大吉加戌。不相剋。

陰得從魁不相剋。傳送加子。不相剋。天罡爲傳送。陰不相剋。四課並不相剋。又無遙相剋。今日戌是剛仰。視昂星上得太一。當爲用。行者復行。九月乙未時加辰。太衝加乙。不相剋。陰得功曹。不相剋。勝先加未。不相剋。陰得太一。不相剋。乙柔日伏。視天上昂星所臨。當爲用。行者止藏。如不來。居者在家。不欲見人。以此占人一切用。始以決吉凶。不傳終也。正月戊寅時加未。從魁加戊。不相剋。陰得大吉。不相剋。勝先加寅。不相剋。陰得河魁。不相剋。戊剛日。昂星上見大吉。當爲用。行者稽留遠方。關梁將得天一。立六之門。占貴人不安其官。小人分異。此剛日也。正月己丑時加申。魁加己。不相剋。陰得大吉。不相剋。天罡加丑。不相剋。陰得小吉。不相剋。又無遙相剋。己柔日。當以天上昂星所臨下辰午。當以勝先爲用。將得天空。他準此。

第七經曰。天地復。名曰吟。諸神各歸其家。四日辰不相剋。剛用日上神。柔用辰上神。是謂關梁。陰陽反。故無所擇者也。假令今日甲。剛日也。德在陽。故以日上神爲用。今日乙。柔日也。德在陰。故以辰上神爲用。所以然者。陰陽之氣合同。此時不可出行。舉事不成。占吉凶。將出徙在外。將移合。將離。視起用神所刑者。傳用自刑。用其衝。假令今日甲子。功曹臨甲爲用。功曹刑巳。中見太一。太一刑申。終見傳送。吉凶皆以神將言之。剛日。木神臨木。爇文書木器。男子欲遠行。火神臨火。男女口舌至縣官。金神臨金。爇遷徙分異。土神臨土。爇貴人遙使。水神臨水。貴人酒。柔日。木神加木。爇船車至縣官。火神加火。爇女子姪。訟屋舍。金神加金。爇遷移分異。土神加土。爇女子訟。田宅分異。水神加水。爇財物失走。捉盜不得家。亡不越境。他效此。

第八經曰。大吉殺乙戊己辛壬之日。以配子午卯酉之辰。是謂天地之道歸殃九醜。九醜者。謂五千辰

合爲九也。大吉常天之大殺。居其上。行其殺。故曰醜。謂四仲之日。時加四仲。大吉臨日辰。以舉百事大凶。大吉加日害長。加辰害少。剛日害男。柔日害女。日在陽。傷夫。在陰。傷婦。重陽害父。重陰害母。天一前爲陽。天一後爲陰。日辰皆在天一前。爲重陽。日辰皆在一大一後。爲重陰。以四時氣期。王相期三年。囚死期三月。以大吉并將。言其形狀。四辰或與大時并。大吉與凶并。如加九者大凶。禍重至。必有咎。刑戮死亡。流血千里。萬無全者。經言乙者。雷電之始。戊己北辰下之日也。辛秋。始斷刑之日。壬日月三光所不照。無功之日也。四仲之辰。萬物之存亡日也。大吉日月五星所始也。故合則爲害。假令二月壬子時加酉。大吉臨子。剛日也。當殺長男。期六月。戊辰戊戌己未己丑。所以然者。壬水惡土。故土日土月。期之四季。土月時加酉。四仲時也。大吉加子。此爲加陽辰。小男坐之。二月大時在子。養土死。此爲大凶。決知所坐。以大吉所并將言之。太陰并坐。祠祀鬼神爲敗。騰蛇并爲驚死。朱雀并坐。文書若燒死。六合并坐。女子姪洩乳生。勾陳并格。鬪死。青龍并坐。餘酒食錢財。天一并與貴人同憂。天后并坐。婦人懷他人子。玄武并坐。盜賊。六畜爲敗。太常并女子以田宅財物爲敗。白虎并坐。死喪爲敗。天空并坐。以偷盜詐欺爲敗。十一月乙卯時加辰。大吉加乙。爲用。將得騰蛇。用傳。終得三土。髮婦女爭田宅。長女坐之。八月戊子時加卯。大吉加子。陰功曹爲用。大吉雖不爲用。猶爲九醜。少男坐之。大吉設家墓動他準此。

第九經曰。諸制曰。占事辰。自往加其日上。而又下剋上爲用。是謂持其身行就人者。所謂贅壻。壻意也。假令今日甲戌。河魁臨甲乙未。小吉臨乙丙申。傳送加丙甲辰。天罡加甲乙丑。大吉臨乙。此則辰加其日而

下剋上。以此占吉凶。少將害老。室家相剋。中外姪佚。內亂之道。臣謀其君。子圖其父。奴欲謀其主。又一法。魁加甲。出刑人。關訟。小吉加乙。髮女子酒食。太一加癸。女子認衣服。亥加己。女子錢競。從魁加丁。欲分異。勝先加壬。訟田宅。女子喜驚。火神后加戊。女子病死。姪佚。將得天后。姪於親屬。又曰二月甲戌。時加寅。魁與月神并。來加甲。下剋上。占人皆有姪亂。將得朱雀。內相告。言句陳內相殘賊。白虎相殺。天空欲爲贅壻。天后姪佚事。

第十經曰。閉口閉口。陰在汝後。度四而同。言從神后逆數至從魁。合加神陰陽之位。男亡責陰。女亡責陽。知其亡人位。各歸其鄉。因死爲近。王相爲遠。重陰不出。參以反吟。亡人歸陽。盜者發陰。一由玄武者也。此六癸之支爲陰。六甲之支爲陽。假令功曹爲玄武。陰在登明。天罡爲玄武。陰在大吉。此謂六甲旬。頭尾陰陽也。假令正月庚子。時加辰。天罡爲玄武。陰得登明。欲知盜者是誰。視庚上之神。得太衝。太衝木也。生於亥。盜者親屬也。九月丁巳。時加丑。從魁爲天一。加未。神后爲玄武。而加戌。女亡。西北門。責戌地。男亡。當責從魁。從魁加未。責未地。此爲度西逆。責四神者也。酉六。未八。六八四十八里。女亡責神后。神后加戌。戌五。子九。五九四十五里。王氣什而倍之。相氣因而十之。休氣因而倍之。囚氣如數。死氣半之。正月甲子。時加卯。天罡爲玄武。而加申。天罡爲陽也。陰在大吉。加巳。男亡。東南行巳地求之。女亡。西南行申地求之。閉口者。言黃帝重他人陰私。故言閉口。六甲爲陽者。甲子神后。甲戌河魁。甲申傳送。甲午勝先。甲辰天罡。甲寅功曹。此六甲支爲玄武陽也。六癸支爲其陰。甲子旬有癸酉。癸酉用從魁。甲戌旬有癸未。爲小吉。甲申旬

有癸巳。癸巳爲太一。甲午旬有癸卯。癸卯爲太衝。甲辰旬有癸丑。癸丑爲大吉。甲寅旬有癸亥。癸亥爲登明。此六癸支爲玄武陰也。其四方驗。此之謂也。

玉衡章

天一六壬發用

第一經曰。用之物氣。與今日同類。無問其餘。見爲親疎者。此謂所生爲氣。所死爲物。假令今日甲乙。木也。登明爲用。爲氣。爲生事者。吉成。小吉爲用。爲物。百物皆死。不生。亥卯未俱木。故同類。木生於亥。死於未者。也。無問其餘。但得登明中木。不問水也。但得小吉中木。不問其中火土也。親疎者。言用起登明。登明甲乙之家。功曹太衝爲親兄弟。小吉外昆弟外孫。欲爲吉事。陰陽中見登明爲吉。若爲死事。陰陽中有小吉。善用。與今日比者。親屬兄弟。日與陽比。男陰比女。以占吉凶。百事比自親。內外至親也。他亦準此。

第二經曰。始生與死。今日相視。見而相惡。以知新故。假令今日乙。魁臨乙爲用。魁中有金。西方位也。爲始生。今日乙。大吉臨乙爲用。大吉中有死金。爲死也。今日相視者。此謂乙中之木。欲剋魁。大吉中土惡見魁。大吉中金情不達好。故曰見而相惡。用起始生。萬事皆新。吉凶如神。將言之。用起死。萬事皆故。占人取婦。或與交通。今欲取之。若去婦。今欲還之。或是故物。今欲求之。今日丁。大吉臨丁爲始生。天罡臨丁爲死。今日己。天罡臨己爲始生。小吉臨己爲死。今日辛。小吉臨辛爲始生。河魁加辛爲死。今日癸。大吉臨癸爲始生。天罡臨癸爲死。丁中有水。大吉天罡中亦有水。己中有木。小吉天罡中亦有木。辛中有火。小吉魁中亦

有火。癸中有土。小吉魁中亦有土。此皆當爲用者也。獨五柔日用此耳。卽剛日用起陽爲新。起陰爲故。有王相氣爲新。因死氣爲故。用起陽爲方來。陰爲去事。又一法。今日乙太一爲新。大吉爲故。今日丁傳送爲新。天罡爲故。今日己登明爲新。小吉爲故。今日辛功曹爲新。魁爲故。今日癸太一爲新。天罡爲故。各以神將言之。今日乙木生於亥。長於卯。死於未。登明爲用。故傳太衝新事。小吉方來故事。他準此。

第三經曰。四立之日。名曰四絕。是謂誰適憂者。天禍視汝。此言四立者。立春之日。少陽氣始。立夏之日。太陽氣始。立秋之日。少陰氣始。立冬之日。太陰氣始。故曰四立。何謂四絕。時受死始。立以先之一日。相付悲哀。相去決絕。故曰四絕。假令立春先之一日。己上望見日。言天上日臨己也。此時占吉凶。必爲暴禍在門。流血至縣官。不出。其時女子逆生。月神正臨此日。月神謂正月登明。二月河魁。月將也。俱死辰。其性速。假令辛亥立春先之一日。庚戌。月將臨庚是也。誰適憂者。天禍視汝。得此日而臨之。以占萬事。必爲暴死道路。其不出月中也。獨臨庚。不以其至。皆將神言之。

第四經曰。四離之辰。上望見月。是謂不祥。祥無少多。天災所過。四離日。立春春分。立夏夏至。立秋秋分。立冬冬至。此四離之辰。上望見月。宿言正月室。二月奎。三月胃。四月畢。五月井。六月柳。七月張。八月角。九月氐。十月心。十一月斗。十二月須女。是言春分之日。陰陽分離。各行其令。祥無少多。天寇所過。此言春分。陰氣在卯。盜殺百草。榆莢爲落。夏至。陽氣在午。盜殺百草。薺麥死。秋分。陰氣在酉。秋當刑殺。而有秋華之芳。冬至。陽氣在子。萬物蟄藏。薺麥之類。得冬始生。皆非正氣。故曰寇盜。月者積陰之精。主刑。以此占事。必有

寇竊暴至。期不出其日月。中心神將言之。又一法。春分以甲子亥爲離辰。月宿臨亥。是不可遠行。必逢盜竊。賊寇亡遺。却死道中。何以言之。春分陰氣在卯。寇盜草木也。

第五經曰。時剋其日用。又助之。所治之事。上下爲髮。神將內戰。是謂天罡四張。萬物盡傷。假令今日甲乙時加庚辛。是金金剋甲乙木也。故言時剋其日。起用傳送從魁並金。又剋甲乙木。是謂用又助之。神將內戰者。言從魁傳送并爲青龍。青龍木也。畏傳送從魁金也。是謂內戰。餘皆準此。天罡者。時用及所治之事。皆其剋今日。又上下相剋。求救不能解。故言四張。萬事盡傷。以此時舉事不成。憂毀傷家亡。假令二月庚子時加巳。大吉加庚。不相剋。太一加子下剋上爲用。時加巳巳剋庚。是時剋日也。太一爲用。又剋庚。是用又助之。以占吉凶。如上法。

第六經曰。陽不與陰合。陰不與陽親。三言相得。如往比焉。法曰。無姪無姪。姪生其中。假令正月甲子時加卯。甲者陽爲夫子。陰爲婦。魁臨甲。傳送加子。甲欲從子。畏傳送子欲從甲。畏河魁土。故不相親。三言比者。言三傳之神。還自比同類也。謂三木三金三火者也。此言用起魁傳勝先。終功曹謂寅午戌俱是火之位。亥卯未俱木。申子辰俱水。巳酉丑俱金。此之謂也。以占人皆爲姪邪之心。事將危敗也。八月庚辰時加申。天罡加庚。神后加辰。天罡土剋神后水。是陽不與陰合也。陰不與陽親。神后爲陰。畏天罡之土。是陰不與陽親也。用起神后。傳見傳送。終天罡是三言也。皆得其類。故曰比。此言陰陽不合。而用三傳內自得。以此占人。言內將有私親。規以謀訟之意。何以言之。神后既爲天罡。陰又爲起用陽。一神有二從。故知人有兩

心淫佚之意。言無姪者。以此時御姪婦。必有禍起也。上剋下。過在男。下剋上。過在女。以神將言之。

第七經曰。陽無所依。陰無所親。禍生於外。內及其身。所謂陽無所依者。謂用下剋上。陰無所親。言歸陰剋之大惡。天地反時也。正月庚寅壬午時加巳。此時不可舉百事。咎及其身。進退失節。重有憂也。正月壬子時加巳。太一加壬。勝先加子。是陽無所依。勝先傳見神后。太一傳見登明。爲陰無所親。以此占人。君無所因。父無所親。必見欺結。當此之時。天地猶恐。況於民乎。

第八經曰。辰剋其日。下剋上。是謂亂首。必將害老者也。辰剋日者。諸日被挾。自臨其辰也。假令今日丙子。太一挾丙。加子乙酉。太衝挾乙。加酉壬戌。登明挾壬。加戌癸未。神后挾癸。加未丁亥。勝先挾丁。加亥甲申。功曹挾甲。加申辛巳。從魁挾辛。加巳己卯。小吉挾己。加卯戊寅。天罡挾戊。加寅此皆辰剋其日。用下剋上。以此占人事。必爲逆道。臣弑其君。子害其父母。妻謀其夫。奴婢害主。百事凶。正月甲申時加卯。來剋甲。一逆也。魁加甲。爲用下剋上。二逆也。用爲王者所剋。必言縣官至死喪。何以言之。春土死喪。若爲天獄。他準此。

第九經曰。所謂用起囚死。斗令日憂。是謂天獄。於身方有殺囚。必虞戮辱者也。用起囚死者。言神將俱死氣也。斗令今日憂。言斗繫今日之所生也。假令秋七月庚申。勝先爲青龍。而加庚。太一爲句陳。而加未。當爲用也。斗又繫己者。庚申所生。功曹爲騰蛇。加己而爲太一陰。太衝爲朱雀。加午而爲勝先。陰騰蛇朱雀火。功曹太衝木。秋火囚木死。皆無氣。斗繫所生。不可舉百事。皆爲繫囚之憂。又法。七月丁卯時加巳。傳

送爲用。秋丁酉，囚氣所剋。斗繫卯，卯者丁之本。此家有繫囚也。斗繫子亥，小兒牢獄出行。正月乙未，時加中。小吉加乙，下剋上爲用。土正月死，斗又繫癸，癸者乙之本。所謂死囚，斗令日髮，此之謂一法。日用起囚死者，言春占得金，土之神也。斗令日髮，謂斗繫今日之本。言天獄臨身，髮繫囚死者，言囚死之氣，刑於獄也。二月乙酉，時加巳，斗繫亥，亥者乙之本。故髮小吉爲功。曹陰而加寅爲用。春土死，言用起囚死者也。傳得神后，終太一與白虎并，必有死亡。小吉，木之獄也。俛見其仇，仰見其丘，如以墓論之，雖得青龍，不能爲救也。他準此。

第十經曰：三光並立，用在其中。謂日之陽神、王相之光，用起吉將之有王相之光。此言三陽，非謂傳用之陰也。故言三陽之光者也。言日辰之陽神，及用所與并將皆多吉。如有王相之氣，是謂三光用在其中者。也。傳用又得吉將，上下相生，終始無剋，神有上下，上不剋下，不相賊。氣在王相，神重得吉。雖有凶將，後有福，終而有喜，必有重慶。當此之時，遠出萬里，入水不溺，入病不易，惡鬼不當，入兵不傷。所種者生，所爲者成。所求者得。所欲者聽。病困不死，繫者無刑。刀雖臨頸，慎勿怖驚。舉尸入棺，尚猶復生。出幽入冥，是謂神靈聖人之教。賢者之經，謹而按之，與神聖并藏之金匱，無泄此形。又一法曰：正月甲寅，時加巳，傳送爲青龍。青龍，春王加甲并寅。此日上神與吉將并王相者也。經言正月甲寅，王日一光也。青龍又王，又立王上二光也。年立木門三光也。功曹爲傳送，陰而加甲，此爲是陽神，而與天后將并爲用，是謂用在其中者。也。此時天吉地凶，而神將並吉。法曰：有凶從其多者，此之謂也。又一法：天一順行，前三五加日辰，此一陽。

終王相不相剋。二陽日照今日之本。三陽也。又令用在其中。假令六月戊辰時加辰。皆受王相之氣。傳送爲勝先。陰而加午爲用。傳送六月受和氣。亦謂三光傳得魁與玄武并加申。終神后與天后并而加戌。此謂始王相。終於吉將者。故重慶雖復有凶。不能害之。天一逆行前三五。加日辰一陰。用終囚死上下相剋。二陰時剋其年。三陰也。斗月照今日之本爲殃。用在其中名曰重陰。終自禍患。必困窮。繫者雖解。身屬官病者雖起。精魂入棺。居家衰耗。破敗憂患。以占萬事大凶。所謂入九地之下。役三陰者也。